



BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
VLADA



## **ZAJEDNO U KREIRANJU NAŠE RAZVOJNE STRATEGIJE: PRVI SASTANAK PARTNERSKE GRUPE ZA RAZVOJ TUZLANSKOG KANTONA**

Na osnovu generalno ustanovljenih potreba za bližom saradnjom s ciljem podrške ekonomskom i društvenom razvoju i praktične potrebe da se pripremi i usvoji Strategija razvoja Tuzlanskog kantona za period 2016.-2020. godina, te potrebe zajedničkog informisanja, kao i harmonizacije razvojnih inicijativa, programa i aktivnosti u Kantonu, mi dole potpisani usvajamo:

### **SPORAZUM O KANTONALNOM RAZVOJNOM PARTNERSTVU I STRATEŠKIM ULOGAMA I ZADACIMA U PARTNERSKOJ GRUPI ZA RAZVOJ**

#### **Član 1.**

Dole potpisani se slažu da, u skladu sa svojim kompetencijama, znanjima i sposobnostima, provode sljedeće strateške uloge i zadatke u Partnerskoj grupi za razvoj Tuzlanskog kantona:

- Učešće u pripremi Strategija razvoja Tuzlanskog kantona za period 2016.-2020. godina, te programa i projekata koji će se implementirati u okviru razvojne strategije;
- Identifikacija, analiza, predlaganje i zajednički doprinos unapređenju poslovnog okruženja na području Tuzlanskog kantona u oblastima kantonalne nadležnosti;
- Iniciranje i razmatranje potrebnih analiza ekonomskog i socijalnog stanja u Kantonu i u domaćem okruženju, radi strateške procjene konkurentnosti u novim globalnim i lokalnim okolnostima;
- Kreiranje vizije razvoja sa ključnim strateškim i operativnim ciljevima za naredni period;
- Saradnja u identificiranju i pripremi projekata koji doprinose ekonomskom i društvenom razvoju, sa posebnim fokusom na one sektore koji imaju potencijal za rast i otvaranje novih radnih mjesta;
- Preporučivanje prioriternih razvojnih projekata i programa koji su potrebni i savjetodavno djelovanje, te pružanje podrške u implementaciji programa i projekata;
- Pomoć u identifikaciji lokalnih/regionalnih, domaćih i međunarodnih izvora za implementaciju programa i projekata koji će biti definisani u Strategiji razvoja Tuzlanskog kantona za period 2016.-2020. godina;
- Praćenje širih razvojnih politika i utjecaja javnih politika na ekonomski i društveni razvoj;
- Učešće u sektorskim radnim grupama u skladu sa prepoznatim prioritetima razvoja kantona. Radne grupe će operativno saradivati sa različitim akterima u pripremi Strategije, programa i aktivnosti;
- Učešće u koordiniranim razvojno orijentiranim naporima i aktivnostima sa drugim kantonima, regijama, entitetskim i državnim institucijama, međunarodnim organizacijama i sl.



BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
VLADA



## Član 2.

Ujedinjeni smo u stavu da će se poštovati sljedeći principi dobrog partnerstva:

- Razvijanje međusobnog povjerenja i saradnje;
- Zajednički interesi;
- Proaktivni pristup;
- Širenje partnerstva;
- Preuzimanje odgovornosti.

## Član 3.

Svjesni smo da nas očekuje posebno intenzivan rad u procesu pripreme Strategije razvoja Tuzlanskog kantona za period 2016.-2020. godina, tokom 2014. i 2015. godine, i spremni smo dati svoj puni doprinos uspješnom odvijanju tog procesa, kako u pogledu redovnih zasjedanja Partnerske grupe, tako i u pogledu formiranja i zaduživanja posebnih radnih grupa prema potrebama izrade Strateškog plana.

Očekujemo punu i plodonosnu saradnju sa Kantonalnim odborom za razvoj i Ministarstvom razvoja i poduzetništva Tuzlanskog kantona zaduženim za tehničku pripremu strateškog plana.

**Tuzla, 09.07.2014. godine**